

骈
体
南
針

駢
體
南
針

駢體南鍼序

新唐書謂下之詞通於上者六而慶則有表謝則有章體專頌揚與奏議不同唐宋至今皆以駢儷行之大抵唐人王鎔鍊精采令狐楚最擅厥美嘗以之授李商隱宋則歐蘇諸公用經史成語翦裁屬對以開闔流逸見長

國朝至乾隆以來兼範唐宋乃益鉅麗闔暢矣若于文敏彭文勤紀文達曹文正其尤偉者也蓋遭遇

盛隆仰

謨烈之巍煥覩典章之明備感激於

拔擢賚予之優且異軒轅詠蹈莫罄名言諸臣又皆鴻
通博瞻騁其紛綸藻耀之才輪寫丹款不復假手門客
賓僚故能雍容揚揄典則豐蔚望之若麟鳳才與時適
相值則然也但藁經奏御外間罕得見間有傳誦頗乏
鈔纂詞流藝苑咸以不得博觀爲憾漢陽汪君紉庵
因其尊公嘗從邸鈔中取茲體錄有成本遂踵而增
之得若干首分十有六卷名曰駢體南鍼旣付剞劂而
問序於予予觀是編凡有數美見

明良之合焉忠愛之忱焉敷奏之體焉合於班氏所云
宣上德通下情者雖未遑徧稽銀臺所納冊府所藏與


夫諸家文集所載然體裁略備使方聞綴學之士驟觀
巨製高文已不啻梯金山而探玉海矣其於操觚家津
逮圭臬豈淺鮮哉因不辭而書諸首簡

咸豐二年歲次壬子夏五月

賜同進士出身

誥授奉政大夫翰林院檢討本衙門撰文功臣館纂修
國史館協修提督湖北全省學政加三級渤海杜翰

駢體南鍼重鐫序



汪君綱庵故吾皖產也以祖官湖北漢陽仁義司巡檢
占漢陽籍格於例不試遂習書記當道爭迎爲上客工
六朝文體家藏有邸報中所錄慶賀陳謝乞請諸摺本
迺其尊公檢取而彙存者復廣爲搜纂合十有六卷
顏之曰駢體南鍼今夫中秘所藏外廷不得而窺也奏
御尊嚴非近臣大僚毋敢進又操觚家不輕習也名公
鉅卿文集中迹其未削之稿間有存者然祇一人一時
之事未足云全豹也至宣示中外而付諸置郵惟在官
者乃獲覩士庶之家局於見聞之未逮求其薈萃羣言

專門成集操選者或難之汪君誠創舉哉夷考其文體主頌揚涉於議者不載其所摭拾大抵在乾隆年間

重熙累洽文運午中

神聖之功德日隆

明良之際遇非偶一時臣工類多著作鴻才燕許手筆凡所爲宣

上德而通下情者要皆鳴感激之私攄忠誠之悃賡揚媲美於虞廷歌頌軫接乎周雅駸駸乎軼唐宋而駕其上矣是編鈔撮之功厯有年所經播穫而始就前人之用心胡篤且摯也顧其書刊於咸豐辛亥其明年壬子

粵賊寇武漢君以身殉其編阨遭灰燼嗣君蓮生痛手
澤之猶新懼流傳之未遠爰授梓人重鐫一如前式良
玉精金偶經塵劫摩挲拂拭光氣彌新公之箕裘於斯
不墜後之讀是編者測圭臬之影探星宿之源沾丐庸
有涯乎若夫屬辭之工與義例所由昉則有前使者杜
渤海之序在余奚贅焉同治丙寅秋八月

賜進士及第

誥授奉政大夫翰林院侍講詹事府左贊善翰林院修
撰提督湖北全省學政加三級壽春孫家鼐撰

修辭之道首重對君體要莊嚴衷懷肫篤近臣
大僚乃得上達唐宋以來謝表奏章駢儷尚矣
我

朝明良慶遇一德交孚文治炳麟同風三代寓賡
颺之盛於敷奏之中或華贍而語詳或簡重而
辭達取裁經史貫串百家一義寶於珠船一字
珍於金墨溯源者可抵崑崙操觚者可爲圭臬
先君子性耽文翰隨侍先大父宦庭見邸報中
有慶賀乞請陳謝摺子皆檢取而彙存之懿嗣
又廣爲按纂類別部分手鈔成卷彙數百篇視

龍威秘書梓行麗體金膏門類不分繙閱未便
且篇目不多此則較爲全備因自以爲秘本載
之行篋奉爲指南然其所未見者不啻羣玉宛
委是猶持瓢杓飲江海也而奇書自寶瓶借時
來友人勸付剖氏公諸同好爰識數語用述哀
輯之意云

咸豐元年歲次辛亥仲冬朔漢陽汪傳懿謹序

例言

一

國朝四六章奏遠勝前代而其纂組工麗則自乾隆中年以後益進而日臻於盛茲編雖權輿在是然採摭第本邸鈔所見無能他訪挂漏之失博雅鑒之

一編內摺子居多間有表疏悉照原鈔標題以別體裁

一著錄字句悉依原鈔無或增損間有闕文謹空格以待考補



一除授門內各官謝摺俱遵 會典開載按其品
秩以次遞編庶便檢閱

一是編之輯初祇自取模楷非欲問世故藏儲篋
衍者廿餘年矣嚮日親友中苦其借閱不便嘗
勸付鋟未之敢應今復疊相慫恿謂君心力積
綯終以飽蠹可惜於是勉徇其請然鄙臆究未
安也蓋前此隻手編輯旣欠審詳茲又命子姪
輩稍加校勘而於擡格字句間猶恐不無舛謬
高明垂覽幸是正焉

絅庵氏識

駢體南鍼總目

漢陽汪傳懿綱庵編輯

兄傳智庸軒參閱

姪登瀛菊生校字

男家政蓮生校刊

範 桀園

孫義存質甫同校

信 誠之

卷一

慶賀

萬壽 奏凱

卷二

陳謝
請

巡幸

恩科

科第

興學

卷三

陳謝除授

卷四

陳謝除授

卷五

陳謝除授

卷六

陳謝

御製賜
詩贊額

宴飲

卷七

陳謝冠服

騎馬

鳩杖

住宅

生辰

卷八

陳謝銀幣

珍綺

藥品

卷九

陳謝書籍

卷十

陳謝圖繪

墨刻

卷十一

陳謝墨刻

法帖

卷十二

陳謝 蠲賑

卷十三

陳謝 蠲賑

卷十四

陳謝 蠲賑

卷十五

陳謝 甄敘 寬宥

卷十六

陳 謝 乞雜事

駢體南鍼卷一目錄

慶賀

萬壽

奏凱

請祝

萬壽摺

同上

恭請編輯

萬壽八旬盛典摺

兩金川蕩平賀摺

同上

同上